



TM, TM  
369<sup>ar</sup>

M. III. 369 ar

R  
2038

III. III. 369 ar

Ein Practica practi-  
cirt/ auf der heylgen Bibel/  
vff vil zukünftig jar/ Selig syn die/die  
jr war nemen/ vnd darnach richten/  
Die zeyt ist hie/ das man solich pra-  
citicia mer acht hab/ dan der astro-  
nomy/got wil selber regim  
über seyn volk.

Qui habet aures audi-  
endi audiat.

A.D. 1572  
Substantiabat nuncios dei:& paruipende  
bant sermones eius 2c. Paralipo. 36.

Bruder Heinrich vō Kets-  
tenbach. Anno A.D. xxxij.



**M**  
**N**  
**S**

Kreichstett mercft mich eben  
 Güten radt wil ich ſich geben  
 Legt eich nit zwischen Fürſten vnd Adell  
 Sust wert jr ſich machen ein dadell  
 Dardurch jr werden kommen in leyden  
 Fürſten vnd Adell nit lang vneins bleyben  
 Bald wider überein kommen  
 Vnd alle wyder ſich brommen  
 Habt vor augen gots Schryfft vnd wort  
 So ſeyt jr ſelig hie vnd dort  
 Myn herzmit ſich iſt/  
 Waſſvnnser herr Jesus chriſt

4 III A  
 5035  
 A 11815434

**S**aintus Paulus spricht/alle die dütg die in der  
 Hellgen Schryfft geschryffen sind/sind vns ge- Rho. 15.  
 Schryffen zu einer leer vnd vnterweyſung/Wir  
 kennen Gott mit mer/dass er ſich vns zu erkennē gibt/in Joha. 1.  
 der Schryfft/Darumb/welcher mensch Gott lieb hat/vn Ma. 11.  
 wil than ſein willen/vnd meyden was Gott mißfelt/der 1. Jo. 4.  
 leß mit fleyß die heilige Schryfft/oder hör die leſen oder pre Esai. 45.  
 digen/Menschen leer/heyden Schryfft wirdt dichs nitt  
 leeren/So nun ein ewiger vnuerwanberlicher Gott iſt/ tu es tc.  
 vñ wir ſeit Schryfft haben/vnns zu einer leer/so will ich Lenu. 26.  
 auf der ſelben Schryfft beschriben ein Practica oder pro- Deu. 28.  
 nosticon/vnnd die Astronomey ſarn lan/doch vnuer- 1. Cho. 2.  
 acht han vor jen werdt/vñ nemlich dem römischem Reich  
 vnd regiment des ſelbigen/ich diſſ myn practica Schryb  
 zu einer warnung vff zu künſtige zyt/vnd erinnerung  
 vergangner zyt/Kom mir erſtlich fur der ſpruch Esai  
 am. 19. Die Fürſten der Stat Thaneos/do das regiment Esai. 19.  
 oder Kammergericht was/sind zu narrn worden/die wey  
 ſen ratshern(nach jren beduncken)haben gebien einen Esai. 5.  
 vnuweyſen nerrischē Rath/Deſſ halben kam der König  
 ſein hern vnd ſyn landt in verderbnis/in die hend vnd  
 dienſtbarkeit jrer veind/aber ſie maineten/durch jn rat  
 ſchlag/wolten ſie hern werden/über ein Römischem Key  
 ſer/vnd über all ander König vnd hern/die Konſt fellet  
 in/Warumb ſie giengen all vff eygen geſuch/vñ hatte  
 Got oder gerechtigkeit nit vor augen/Darumb ſchickt Esa. 1. pñz  
 Gott das jr weyſer Rath nerrisch wart vnd wider ſie/Al cipes tu:tc  
 So geschach auch den jüden/ſie maineten/ſo Jesus tod Joha. 11.  
 wer/ſo ſtünd ir ſach wol/vnd würde bleyben bey land Luce. 19.  
 lüt/ere/vnd gut/darumb ſtympten ſie mit Caypha/d3 Vidēs ciui  
 Christus ſolt sterben/vnd eben darumb verloren ſie gut/tatēm tc.  
 eer/landt/lewt/leyß vnd lebem/jr Rath was wider ſie/ Hierem. 5.  
 Auf dyſem o Römischem Reich propheſticien vnd practi-  
 ciern ich dir/Es wirt dir eben alſo ergan/vnd iſt oft al  
 so ergangen/Aber du biſt blindt mit ſehendem augen/ Ma. 13. c.  
 Davb mit hörenden oren/vñ ſo du verwunt biſt/ſo ent Mar. 4.

A q pfinstu

130.

psal. 115.  
Esaia. 30.

ptz in scrip

Esaia: ut.

Jo. 3. quia  
cre. tc.

Ma. vlti.

Ma. vlti.

Rho. 3. tc.

Galla. 2.

O narhait öflich / vñ das ist die grösste sach zu worms verhandelt  
þ terwischen in solcher laniger zeyt / mit solichem unkosten / so doch  
auch ein kynd von dreyen jarn / hett solichs mögen ver-  
richten / we euch / we euch / we euch / we von außgang  
der

psinstu sein nicht / wie eins dz den fallende siechtag hat  
vñ lest jm nicht raten / auch nicht helfsen / wer soll euch  
raten vñ helfsen / gott in seiner schryfft. Darumb sprache  
gott durch Esaian / we euch jr verlassende kynder / Ja  
jr die mich vnd mein wort verlan vñ verlassen / we uch  
so jr ein rathclag macht vnd beschliesst / vnd mit vñ mir  
das ist / vñ meinem wort vñ schryfft / we uch / so jr wolt  
tuch weben / das ist ein sach volendē / vnd nicht durch  
meinen geyst / der in der helgen schryffredt / sonder thüt  
nach ewern geyst / nach dem lügenhaftigen geyst des  
menschen / quia ois homo medax tc. Auß dem kompt  
sund über sund / spricht gott ye ein sund bringt die amts-  
dern / Vnd also strafft gott sund mit sund / bösen mit bö-  
sen / bösen chrissten mit bösen chrissten / oder mit bösen heys-  
den vñnd Türcken tc. Also hör zu du armes rych / der  
Rhömer vnd aller welt knecht vnd spott / dein weysem  
haben gebē ein nerrischē rath zu Worms vñ dem richs-  
tag / vor dem armen kynd Karolo / genant Römischer  
Kaiser tc. (Er ist kaiser aber sein schultheysen regiern)  
Da euch ward fur gehalten / die sach Martini Luthers  
des recht chüstliche fromen vnschuldige hochgelarten  
doctois / welche belange / nicht allain des toechten / ner-  
rischē / knechlichē deutsc̄he lants eer / wurdigkeit / stend/  
güter / lehē / leyb / lebē / Sond auch aller chüste vñ erde  
seligkait / den sie belangt den rechten waren chüstlichen  
glauben / dadurch wir allain müssen selig werden / vñ  
nicht durch vñsere werck. Da habt jr stym geben (in sol-  
licher sach) man solt nichts hädeln / ob etwas fur nemē  
wider den Babst (abgott) vñ wiß den römische Beyer  
(wyd syn schultheysen) vñ also vñwilt mit wortē / elich  
mit schweygen / das man des Luthers chüstliche müz-  
liche büchlin / von erst hatt verbotte / darnach verbrant

der somm / we von nybergang / we von mitten tag / we  
von mitternacht / Jr weyzen haben ein nerschen rath ge-  
ben / ewer rath wirdt wider euch sein / jr habt das wort  
gotts veracht auf ewern köppfen / Jr habt gethan wie  
Ulabizardā / der die Bibel / die prophetē / bücher Mo-  
sy / vnd ganz helge schryfft verbiant / jr habt gethā wie  
der nerrisch König Sedechias der auf rath der falschen  
propheten (bey vñrs munch vnd pfaffen) Hieremias ver-  
folgt / gefenglich hielt / vnd sein büch (das dem König /  
der Statt Jerusalem / vñ der pfaff hatt böß verkōnt) ver-  
brennen hies vñ züreyssen / darumb das jm Hieremias  
die warheit hatt gesagt / aber es halff in nicht / dan gott  
sprach zu Hieremie / er solt dz büch widerumb schreybe /  
vnd noch mere dazu setzen / vñ müst darnach gan wie  
Hieremias hatt gesagt / do halff nicht fur / Darumb hör  
zu du armes reich / Luther hatt sein schryfft bewert vnd  
befestiget mit dem wort gotts / des antchristen falschait  
vnd dein narrhait enteckt / am tag gelegt / man greysst  
dz jm also ist / man kan mit leugnen / noch wiltn ein narr  
sein / vnd hoffest vñ das Ror von egypto (des 17 vñ 17  
gewalt) das ror wirt brechen / vnd werde die spüssenn  
dein hend vñ seytten verwunden / vnd das du forchtest  
(wie die Juden) das wirt über dich kommen / du forch-  
test / der pfarher zu Rhom (der Babst ob entchust) werd  
mit dreyen schreybern / mit spiessen hellparten tc. das ist  
mit federn / dynnen / papir / pergamen / Eley / wachs tc.

} dir dein knechlich reich nemen / dan der entchust soll sol-  
luchs gewalt habe ein zeyt lang / vnd eym andern volc  
geben / des halben lest du dich ducken / narn / blenden /  
schenden vñbsurn / wie die hurnwirt vnd stalbüßen /  
des Babsts wölln / audi popule stulte / Hör zu du devot-  
scher narr / dein reich wirt von dir genomē werden / vñ  
gegeben einem andern volc / das ein zeyt lang wirt bes-  
ser seyn dann du / vnd darnach wirt das selb auch das  
reich verliern / doch wirt jm vor hin die Rhömis ch hür-  
den seckeln (wie die terwischen narrn) vñslern / darnach  
A iij schlincfen

Esaia. ut.

Esaia. 1.

Luce. 7.

Hiere. 25

Hiere. 26

Hiere. ut.

Esaia. 36.

4. Re. 18.

Hiere. 32.

2. Thes. 2.

Daniel. 8.

2. 9. cap.

Eccle. 10.

Ma. 21.

Apoca. 17.

7. 19. ca.

**Ecclesi. vt.** schlinckēm schlagen. Also sagt die schryfft/vmb vnges  
rechtigkeit wiln/wirt dz reich versetz/oder verandert/  
**Jo. 5. & 6.** von einem volck in das ander, das ist so man nit regire  
oder richtet nach dem wort gots/ vnd seinem willn/  
seym willn finden wir in seiner schryfft mit in menschen  
geschwez zc. Du hast nach des Babsts vnd Reysers  
wort gehandelt zu Augspurg vnd zu Worms/ vnd nit  
nach gotts wort/ als Luther begert/vn disen tag folgst  
du den gleyßnern/vn schryfft gelerten/vnd falsche pro-  
phetē/tollen sollē puestern Haal/vn wilt dich mit halte  
fest zu gotts wort/ sonder nach dem glück rad/ weystu  
nicht das die helge schryfft ist ein regel/richt vth/richt-  
scheyt/gemeß/vnd wage/darnach all ander schryfft/  
leer/gesetz/gewonhait/statutenn/recht/wort/wergē/  
des Reysers/des Babsts/ der geyßflasen recht/ der sans-  
tastischē lerer scolastici/jn latin genat der hosen schülin  
**Josue. 1.** conclusiones/bz. hluſrede/soln geachtet/ermessen/vnd  
**7.8. cap.** gevynhen werden/vnd was der helgen schryfft/wyder/  
vnsomig vnd vngemeß ist/soll verworffen werdennt/  
was jr gleichsomig ist/vnd concordirt/soll behalten  
**Deutro. 1.** werden/vnd da soll gott vnd kain ander person anges-  
**Leui. 30.** sehen werden/dann gehet es recht zu/darumb was ges-  
**Ma. 22.** potten/das ein könig in Israel/solt das büch des gelieb-  
**Rho. 2.** gotts bey jm tragen all zext/das er darnach/vnd nicht  
**Deu. 17.** nach seinem Kopff richtet/wie Achab/Mannasses zc.  
**3. Re. 22.** vnd vnser V zu Worms. Item iu hem im rich/vnd jr  
**4. Re. 21.** richstett/forchte wo Lutherisch/das ist/die Luther leer  
**Ma. 23.** chusti/surgang haben würd/so würde ewer grosse ges-  
**Ma. 18.** walle/gehorsam/vnd gepott ein abruch gewynnen/  
**Mar. 6.** dan Christus vnd Luther leern/das wir alle gebünder  
**Luce. 6.** sein/einer dem andern thū/wie er wolt dz jm gesche zc.  
**Rho. 13.** O jr narn/jr würdet erst rechten gehorsam haben von  
**Ma. 22.** ewern unterhan/vnd großer vnlieb zc/so jr blyben by  
**1. Petri. 2.** dem wort gots/dann das wort gots/leeret auch ges-  
horſam leyſten der oberlait/brengt eynigkait vñ fryde/  
Aber menschen leer vnd wort/brengt vnfryd/vnges-  
horſam/

**Jos. 67. q** horſam/jamer vñ lyde: q: quot capita tot sensus: als vñ  
kopff als vil eygē syn vñ gut bedunckē/darumb werde  
sie entlich mit cōcordirn/sie stymē dan nach gots wort/  
Hat nicht Herzog Fryderich von Sachsen/gut gehor-  
sam/vnd gütten fryden gehabt/dwohl sie by warhaft vñ  
gots wort sijn blibē/falln sie ab/ so soln sie warten einer  
andn schantz/hat nit die löblich Statt Nürnberg gut/  
gehorsam vnd groß eer vnd lieb von iher cōmun/ oder  
gemain in disen leüßen/so sie mit iren weysem herin nytt  
handeln oder stymē wider Luther/ so er mit überwoun-  
den ist/Ja mymer wirt über wundē werden: des gliche  
Augsburg! Ulm fast glich sagt/Aber Gog vnd Ma-  
munch vñ  
gott machen etwas vnrū/wolten gern groß enrū ma-  
chen/ werdt jr abfallen/vnd den hund lan hincken/ so  
werdt jr entpindē/frucht ewer wylshait zc. Jr spreche  
villicht/Luthers leer macht vñ schafft vnfryd/vffür  
O jr weisen wer hat grösser blüt vergießung(auch des  
vnschuldigen blüts) ye gemacht auff erden/ dann der  
vnschuldig Jesus/vmb dess wiln/ auch so vil düssen  
vnschuldige kindle vnd martler erdot sind worden/vñ  
vff disen tag die Türcken vnd vnglaubige die christen  
versfolgen: ist drumb vnsier glaub falsch: wölt jr dar-  
umb von christo wychen/ ich hab ein sonderlich büch-  
lin gamacht über solich klug/wider Martin Luther/  
las hie fallen/mercken wie jr mit narn besessen seyt/ wer  
macht vffür in dem armen Lintzē? Luther: neyn: wer  
dann: vngerechtigkeit: das man nit handelt nach gots  
wort: wer macht vnfryd zu Erfurt/Hall/Spry/Cöln vnd  
Worms zc. Luther: neyn: Er was noch vnbekant: wer  
macht bella ciuilia/Bürgerlich krieg der römer vor zytz Aug. deci-  
ten: wer macht partyschait in Italia: Luther: neyn: son dei z hysto  
der vorgessung/verlassung vñ vnachtberkeit des euau rie.  
geli: Luther dets nit: wissen jr nit das Adam vnd Eva Genesis. 3.  
vñ dem paradiſ. xxix. König vñ dem globet land Si: Josue. 12.  
on vnd Og/Saul/Joachym/Sedechias vnd Ma-  
nasses/von jn königrichen verdryben sind/vmb deſſ Den. 2.  
willn li. Regu.

paz in pro willn das sie mit sind blibent/bey dem wort gotts! Also  
phetis expo: ist pharaon vnd sein hō er trenct/die kinder von Israel  
di. 15. verdilget vñ verdrybē/die Statt Babilon zu stōt/Car  
Esaia. 21. thago/Egipten des glychen/vñ all vnglück in hymell  
Hiere. 50. vñ erden/kompt da her/das wir nit seit anhangē dem  
Tota scrip wort gotts/Loch wolln wir vns nicht daran stossen  
hoc dicit.

Deu. 28. le schryfft/aber von der mit weichen! Also frey on forcht  
ui. 26. 7 ali bestympf haben/herr Keyser/jr Fürstern/jr Bischoff/  
Vnota. wir synn christen vnd synn schäflein/vnd soln sein stym  
Jo. 10. 7 8 hōn/Darumb so wöllen wir/hat Martin Luther vns  
Kho. 2. 3. 7 recht geleert/oder geschrybē/das jr im das mit schryfft  
q pec. in le. beweysen/jn vnd vns von jrhumb erlöset/dan in sachē  
Jo. 5. scri- des glauben/kan nyman richter sein dan gott in seiner  
ptum. schryfft/so solt jr bischoffer gelert sein/darumb/so lang  
Thitii. s. jr vns nit könt mit schryfft berichte/das Luther gejett  
hab/so lang wöllen wir bey jm vnd gottes wort/vnd  
bey warhau stan/Wir wissen dz Annas Cayphas/die  
In euāge- pfaffen vnd geystlichen/oder gleyßner geirre haben/vñ  
lio pgz. die armen gemain rott von Christo abfellig gemacht/  
Ma. 27. di wir wöln solichs nicht wartē/sonder ein wissens habē  
mitte nob auf schryfft/ein Esellin strafft den ppheten Balaam/  
parabā. dan er irrt/wie dan Luther billich strafft de Babst vñ  
Vnu. 22. die seyn/die beschom/Paulus spricht/jr soln all ding  
j. Thes. 5. bewern/auf schryfft on zweyfel vñ behalten das gütt  
• 1. Jo. 4. ist/schryfft sagt was gut oder böß ist/by schryfft wöln  
wir blyben/Auch spricht S. Johāns. 1. Johāns. 4. Jr  
solt die geyst bewern/ob sie aus gott sein/Darumb wir  
wöln haben/nach gotts wort/bemerung des geysts/  
der auf des Babsts rechten/vñ Thoma/vnd Scoto  
vñ Martino Luther redt/vnd auf schryfft viteyl war-  
ten/Jr solt vns hie nit machē dz mer nach ewern köps-  
sen/Es gilt etwas mer/wir wöllen nicht ansehen des

Babsts

Babsts diey kōnē/die Inseln vnd rotē Syrrelyn o.d.  
an tynell/christus spricht/scruta scripturas/Ir solt die  
schryfft erforschen vñ an sehen/lust schlegt nymer glück Jo. 5.  
darein/zü Costenz habt jr vns auch benart/vnd den vlo. *Huss*  
hochgelarten Johanne Hus/vnd sein jüngern Hiero-  
nymum von Prag verbrent/vnd nye überwondē/in etz  
lichen artickeln das euangelij verdampt/in das gleytt  
brochen/vnd hat vns betrogen vnd geprochen/man  
solt kegern mit gleythalten/aber yzund wissen wir/soll  
man in nit gleythalten/so solt man in auch keins geben  
oder die geber sind falsch verreter/auch habt jr sie nicht  
überwunden das sie kezer sym/wir forchtern jr seyt mit  
schryfft überwondē gewest von jn/des halben jr gewalt  
gebraucht habt/Also ist das teutsch land zü schand vñ  
Schaden komen/dan zweymal syn wir durch ewer pa-  
pisten anbringen vnd dreyben wider die Beimchr gesoz-  
gen/eimmel hatten wir vierzig tausent reysig/vnd syn  
alwegt geschendt worden/geslohen vnd verjagt vomm  
solichem volk/vnd syn sie in vnser land gefalln/vnd  
haben schaden gehabt/wie wann gott mit in wer/ze.

Item wir Christen haben verdom zwey Keyserthume/ vlo. No.  
.viii. königreich. ccc grosser Stett/vil Inseln/haben/  
kaum syrd bey vns/ist ye ein zaichent das gott über in. pphetis  
vns erzürnt ist/das wir nit nach seinem wort thon/patet vnd  
Darumb legt vns dar gotts recht/gotts wort/do key 93.  
wöln wir bleyben/die Juden als sie chusti verleugnete Ma. 27.

sprachen/wir haben kain andern König/dan den keyser  
aber wir mit also/sonder wir habe den keyser vñ chusti  
über Keyser/Babst/vnd alle König/by dem blyben wir  
Also O armes reich/soltu gestymp habe/aber du heß  
brey jm marp/töndst nit reden/Darumb thū büß/wie  
Lunne/beter dich bald/oder wirt über dich komen vil  
jar grosse plag/vñ vnglück/we von den vier elementē/  
we von den vier enden der welt/we von deinem volk/  
we von den Thürcken/we/we/we/ein lange zeyt/we/  
on zal/vngehört/all deyn red/weyp hait vnd anschleg/

B werden

werden endlich wider dich sein / ultra diri / Ir rychstett  
hett nye grösser sach / de adel bystant zu thün als yzüd /  
so je nun wöln wider in sein / als etlich von euch liegen/  
daß der adel euch den Fürsten vorsetzt / so wirt die zeit  
kommen / das der adel vñ Fürsten / werden sich vertrage  
vñ werden mit einem herzē wider euch streyten / erwernt  
bünd zu trennen / vnd also engstigenn / das ein ygliche  
reichstatt wirt fro sein / das sie ein hern findet / der sie mit  
gnaden an mynt / Nürnberg / Ulm / Augspurg / vnd  
Straßburg werden vil auf harnt / vmb des wiln / das sie  
gotts wort vor augen habenn / vnd weyslich handeln /  
in anstossendē sachen / Die beschorn knaben werden ein  
Elain zeyt lachen / vnd lang zeyt darnach travoren vnd  
wainen. Der keyser vñ sein büder wöln blint sein / wölt  
kain glück haben / so es in anbotten ist. Darumb werden  
sie vil leyden werden. Luthers wirt schier vergessen wer  
den / in etlichen königreiche / er wirt als vergraben sein /  
vnd die beschorn / werden des grabs hüten / aber er wirt  
darnach wider vffersteine (wie ch. iustus) vnd wirt des  
enchusten heer / gog vnd magog / erschrecken / vnd ein  
groß teyl nyder legen / in wirt widerumb wert werden /  
durch die welt wie christi glaub s. er auferstandē was

### Luther

Ich hab mit üch armen dütschen mitlyden  
Das üch die Römischen buben also vmb tryben  
Vmb des wiln jr mich zu lan myden

### Dütscher Narr.

Luther las vmins dütschen vnuerwarn  
Wir wöln blyben der Römer narr  
Sie haben vmins das gestohln rich geben  
Vff das vnufer leyb / güt / eer vnd leben  
Sey nun alles jr eygen güt  
Darumb wir so vil christen blut  
In streyten verglossen han  
Von gott wartten wir kain lan,

Euanges

**E**uangelisch leer vnd verman  
nung / eins sterbendē menschen / zu dem sacra  
mentē / vnd hynfart. Item was ein mensch betrachte sal  
das do wil fruchtbarlich vnd chüstlich mess̄ hören.  
Item von amrüssung der helgem. Item was eyn  
mensch vffein fest / oder helge tag sal betrachte  
Item was du auß den Sonntag solt geden  
cken. Item wie ein mensch antworten sal  
den vorwitzige / beichtuetern so sie fra  
gen / ob eins auch Lutherisch sey  
oder an in glaub / das er  
chüstlich leer,

### Mach entpfahung des Sacraments.

**B**is ge Grüsst aller Barmherzigester herr Jesus Christ /  
Schöpffer vnd erlöser menschlichs geschlechts / gepout  
aus der reinen juncfrarve maria / war gott vñ mensch  
Ich bitt dich durch deine frölichkeitā vnd kostbarlich  
blüt / das ich armer sunder ygt genossem hab / welches  
du vmins in deym letzten nachtmal vnd testament / auß grosser lieb zu  
eym heyl geben hast / vnd geswach / nempt hyn vnd essen / das ist  
mein leyb / der für euch geben wirt / nempt hyn vñ trinck dar auf all  
Das ist der Kelch des newen testaments / in meinem blüt / das für vil  
vergossen wirt zuvergebung der sund / du woltest yrzund durch dis  
krefftig war hymelbrot / deins helgen leib / vnd edeln dranck / deins  
blüts / mein seel stercken in lieb / in glaube vnd hoffnung / auß den fer  
ren weg / der mir vorstet / in ein vnbekant land / vnd bitt herr das dis  
mir durch solichs heyligs sacrament vnd zu sagung in deinem testa  
ment / verzeichen woltest all mein sund / sie syn mir bekant oder vnbekant /  
ich hab sie gebeicht oder nit gepeicht / went ygt beicht ich vñ  
bekenn / das all mein leben nit anders dann sund ist gewesen / ist aber  
etwas güts ye an mir gewest / so ist es dein vñ nit mein / O herr so du

Bi in

in deym testament / mir verhaissen hast / das dein leyß fur mich vnd  
mein sind in tod geben ist / vnd dein blüt in verzeihung meiner sind  
vergossen / An solchem wort vñ zu sagung deins munds / zweyfelle  
mir nit / wan du selbs die warheit bist / vnd mißt ee hymell vnd erde  
zürgang / ee dein wort vnwar wird / Darumb O herr Jesu chüst /  
wie du auff solich wort vnd verhaissung gestorben bist / dein leyß vñ  
blüt zu eym pfandt vñ warzaichen / mir verlassen hast / Also wil ich  
auch sterben in solchem festen glaubē deiner zusagung auf lauter ge  
nade vñ barmherzigkeit / das mir all mein sind vergeben vñ verzigen  
find / vnd das ewig leben mir zu sagt mein ist / wann du spruchst /  
wer do newset mein leyß vnd trinct mein blüt (im glauben / obge  
melt) der wirt leben ewiglich / Dass meines glaubens o herr soltu ge  
zeugnis sein / vnd dein helgen engell / der priester / der mir auff solich  
glauben dīs sacramēt geben hatt / die lewot die mich solchē sacramēt  
haben sehen entpfahē / soll auch dass mein letzter will sein / in solchem  
glaubens deiner zu sagung / auff dein lauter barmherzigkeit zuster  
ben / vñ ob ich durch schmerze / durch vnuermunst / durch anscha  
zung / würd oder wolt absallen / so soll es nicht gelten / soll mein ob  
gentant glaubē vnd will zuwiderrufft bleyben / vñ nach solchem / wil  
ich von dir vff dein barmherzigkeit geurteilt werde / vnd mag mir  
der tod / die hell / vnd der teufel nicht schaden / Dein wort ist stercker  
dan sie all / Ich waif wolo gütiger herr / das Moses vnd Maran  
zwen hochgeachtmann warn / aber vmb des wiln / das sie nicht an  
hiengen deym wortt / als du versprochē hatest / wasser auf dem fels  
zubringen / vrouve sie verhinet / ein zugan in das gelobt land / Dar  
umb glaub ich deym wortt / dein leyß sey fur mich gebe / dein blüt fur  
mein sind vergossen / auf dz du mich einfurest / in krafft deins worts  
in das ewig vatterland / mir vñ allen glaubigen versprochen Amen.

### Bon dem Kelch vnd blut des hern zutrincke

O barmherziger gütiger herr Jesu / du hast gesprochen mir sollen  
all trincke / auf dem kelch dein blüt / wie du das hast eingesetzt / mein  
herr / ich beger solch trankē meiner sehn von dir geben werd / wan der  
priester in gestalt des weins / mir solichs nit gibet / aber durch de glau  
ben / do mit du die altnäster in der wüste also gedrechē vnd gespeyst  
hast

hast geystlich / nicht sacramentlich / glaub ich / du werdest mein seel  
also auch trencken / mit deinem blüt / das mir wirt abgeblichen von  
den menschen / wirst mir auch kain schaden thon / wann ich sein im  
herzen vnd glauben beger Amen.

### Honn der Ollung.

O herr Jesu chüst / dein helger apostell Jacob hat gesprochen / ist  
ymandt frant vnter euch / der sol in sein haus brengeom priester der  
kirchen / vnd sollet über dem frantken beten / in salben mit dem ole in  
dem stamen des hern / vnd das geper des glaubēs / wirst in gesundt  
machen / vnd der herr wirt in erringern von seiner frantkeit / vnd  
ist er in sindest / so werden sie im verzigen werden / mein gott vñ herr  
auf gesundheit meins leybs / habich verzigen / die zeytt ist / das ich  
mein leyß im erdrich / vnd mein geyst bey dir rwe / Aber das mir mein  
sind vergeben sym / das beger ich / vnd glaub deym wort / sie sind  
mir all vergeben Amen.

### Herhayßung gotts im Tawff wert bis in tod ja ewiglich.

O herr Jesu chüst / wie ich im helgen sacramēt des tawoffs auf dem  
helgen geyst / durch dein leyden vñ sterben / bin geborn ein kind gots /  
auf verheyßung vñ zu sagen deins helge worts / also wil ich yrund  
aber wan du wolt sterbe als dein tuu / Dass solich verheyßung deiner  
gnad / mein barmherzigkeit im tauff zugesage / so du gesprochē hast  
welcher glaubē vnd getauft wirt / der wirt selig werde / herr ich syn  
ye getauft / so hab ich mein glauen obgemelt vnd bezeugt / darumb  
ich glaub deym wortt / ich werd durch dein gnad selig werde Amen.

### Dancksalung zu Gott.

Lob eer vñ tanck / sag ich dir herr Jesu chüst / das du mich so barm  
herziglich hast heym gesucht / vor meinem end / mit solicher frant  
hat freundlich citirst zu dir / vnd mich mit hast lassen sterbe on dein  
helge sacramēt eins schnellē todts / als ich wol verschuldett hett / Dar  
umb herr / dein barmherzigkeit wird ich loben ewiglich Amen.

B iii. Sie

## Hie soll man dem krancken das Crucifix fur halten.

O herr Jesu christ/du hast am crewz gebette gott deinen vatter/dz er verzige/den die in crewzigte. Also mein herr/ich verzeyhe alle den die ye wider mich gehandelt habe/groß oder klein/auff das du mir auch verzeyhest all mein sund/Vnd bitt dich/sey allen chüsten gne dig/freunden vnd veinden.

O herr du hast am crewz gerüffen/mein gott wie hastu mich verlassen/aber ich rüff zu dir/herr verlaf mich mit in meine tods nöten.

O herr/du hast am crewz gesprochē/vatter in dein hend beselheich meinen geyst. Also herr/yzund in dein henn/ besilheich mein arme seel/die du erschaffen vnd erlost hast.

## Re Gebet zu der mutter Maria:

Um kom ich zu dir o königin der barmherzigkait junckfraro Maria/rüff dich an in meine nöten/ich ellendes kind Eue/du wölst mir trewlich beystandt thon/kere zu mir dein barmherzige augen/vnd den herrn Jesu christ/deins leybs ein gesegnete frucht/erzeyyg mir nach dysem ellend/o du gütige/o du barmherzigen/o süsse junckfraro vn mütter maria Amen.

O all helge Engell vnn und außerwelte gots/bittet den hern für mich.O all wunden des leybs/meins gütigen hern Jesu christi/bittet für mich.O du helge schone geliebte gesponsin/vn bianwt vnnser hern Jesu christi/du helge gemein chrfstlich kirch/die ich beten vn glaub der mitburger ich bin worden/durch das wort gots vnd sein heilige sacrament/thu mir als deinem mitburger hilff vnn und beystandt/Ja ich weys auf der schryfft/das ich teyl hab an allen deinen geystliche vnd gnadreichen güttern/das mich auch tröstet großlich/Herr ents pfahre mein geyst/herr in dein hend besilch ich mein geyst Amen.

## Wann du wilt messz hörn nach euangelischer weys/gedenck Also.

Mein reicher gott vnd herr Jesus/vor seinem tod/jn letzten nacht malz

mal/hat mein gedacht in grosser ließ/vnd mir armen ein reylich güte Testament gemacht/das ich sein do bey gedencken soll/Er hatt mir ordnet vñ vermacht jn testamēt verzeyhung meiner sund/das testament bestettigt/befestigt vnd versigelt/mit seinem fröleichenā/vn den/vnd blüt/als er selber spricht in einsetzung solichs testaments vñ sacraments/Mein leyß wirt fur euch dar gebenn/mein blüt wirt fur euch vergossen werden in verzeyhung der sund/solich testament vñ sacrament/wirt yzund in der helgen mesz gehandelt/zu vikund/vñ sacramentlich mir angezeigt durch zaichen weins vnd brots.Ich glaub der herr kōnd nit liege/darumb müß es war sein/dz mir mein sund durch sein testamēt vnd sacrament vergeben werden/Er wönt ye wol wer ich bin/das ich ein armer mensch vnd schnöder sunder bin/damnoch hat er mich so wol bedacht/so hoch begabt/in seinem testament/Darumb kom ich frölich das ein zunemen/vnd zweyfell gar nit daran er wirt mir gebe/das er mir verhayssen vnd vermacht hat in solchem testament/vnd mit seinem letzten wiln/tod vnd blüt bestettigt hat Amen.

## Hon anrüffung der helgen.

All helgen haben got in jrem gebett vor augē gehabt/jren trost/hoffnung/vertrawē/herz vñ gemüt zu got erhebt/ auch die junckfraro maria/Ja sant michael mit allen gännen engelln/darumb solln wir auch also thon/gott die eer geben in allen dingn/vnd über all ding vnser gebet vnd bitt in in enden vnd lenden/vñ so wir ein helgen anrussen das er mit vns fur gott tret/vñ helfff bitten/solln wir darumb thon/das der helg ist ein freindt gots/dem got gnad geben hat/frey lautter vmb sunst/aus lauter barmherzigkait/darumb wir hoffen/er werd vns auch also thon/vnd gnad mit teylen.

## Wann ein Fest ist.

Soltu betrachten was gnad gots/durch solich fest vnnis wirt fur gehalten/vnd gott der selbigen gnaden erinnern vnd vermanē/das er auch so gütig gegen dir sein woll.

## Auff den Sontag.

Gedenck/

Gedenk/O gothervt solt ich in dir rüten/still halten/von allen zeit  
lichen dingen/vnd dir allain stat geben/in meinem hertze zu spacum  
nach deym lust/O mein gott vnd herr/ich bin kain müz/ich bin ey-  
tell sund vñ bosshait/mach du mich dir gesellig/des begere ich Alme

### Vom Luther.

So du am todtbett ligst/so wirt dich der teufell anfechten des glau-  
ben halben/oder wirt dir zu schicke des enchusten botte/das sie dich  
von der helgen schryfft auß menschen gesetz/leer vnd aberglaußen  
brengen unter dem namen der helgen christlichen kirchen/der sind sy  
warlich veind/darumb das dich solich sabeln mit erschrecken/auch  
deß Babsts wasserblosem oder Bulle. Spricht der priester zu dir  
bistu auch Lutherisch! so antwoort jm/ich wolt dz ich gut christisch  
wer/Luther ist fur mich nit crewrigt/so bin ich in seym name nit ge-  
tausft/ich glaub in got vater almechtige tc. So er dann weyter fragt  
ob du an sein schryfft glaubst/so spruch/ich glaub der helge schryfft  
es schreiß ob leer sie wer do will/lert Luther ewas dz do ist wider die  
helge schrifft/wid die helge christlich kirch/so wil ich jm nit anhage  
so darnachd subtil Thomistes ob Scotistes dusel/fragt ob du auch  
glaubst das Luther ein ketzer sey/so spruch/dz beflich ich got vñ den  
glerten/ich werd hie auch kain richter darin sein/lugen jr glerte zu/  
was jr vrhaylt/gott wirt richter sein/Spricht der priester/glaubstu  
auch dz sieben sacrament seyn/sprach ich glaub/was ein christe mesch  
glaube sol/vnd darnib so hab ich begert der sacrament das ich sie nit  
verachte wil/vñ wan ic hundert wern/ich wolt sie fur sacrament hal-  
ten/vñ beger/jr wölt von solicher matery nit wyd mir mir disputation  
ich bin jm zu einselig tc.Der priester so er sprucht/die Luthersche ha-  
ben groß anfechtung vom glaube so sie sterbe/vñ widerrüffen etroen  
was sie vom luter gehalten haben/antwoort/das ist ein war zaichen  
dz jr glaub recht ist/nach d helgen schryfft/darnib wil sie der teufell  
durch sich vñ sein schryge abtrüng machen/wan wer ic glaub vñ-  
recht/so ließ sie der böß geyst vnangefochte in jrm vnglaube sterben  
wie er thut den Thürke/heyden/vnd Juden/die er mit ansicht/sie  
wöln dan christen werden. Hütt dich vor Bullen/ablaßbriefen/vñ  
Babsts gewalt/den abgöttern.

Fins.

